

盘龙游泳汇钞

盤龍遊詠彙鈔

民國第一甲子九月

懼仙屬

趙藩書



盤龍遊詠彙鈔序

晉寧之萬松盤龍名山古刹聲稱夙聞自農髯翁山紀出而其勝益播不佞老踐游約無濟勝具未能窮探曠輿發皇耳目小詩記日而已同人辱和懼仙編之哀然成零取視殊慙夫古之紀遊者其工至於翕闢陰陽極命物變使山川能語斯足傳也不佞衰老才窮安于凡近隍引聲雌致應者亦遂無以自盡其才不幾慚負山靈也與姑留爪印以佐談資庶幾不等誚於吟癡符也甲子重陽日石禪老人趙藩書於九龍池上自在香室

盤龍遊詠彙鈔

古滇池方樹梅編次

臞仙約遊盤龍萬松甲子八月十七日偕華允三何小泉二

君挈五兒宗煦發昆明

劍川趙藩介庵

戊年游約甲年償曉御飈輪晚卸裝預想小樓今夜夢絺衣已襲
萬松涼

餽呈貢三臺寺

離車就籃筍冒雨入山城梵剎三臺古僧廚一飯清明陽貞士節
蒼雪盛詩名遺獻徵猶得凭闌悵望情

滯雨二鼓始至方宅下榻小樓

盤龍遺詩集
雨泥滑滑鷓鴣聲僕馬痛瘡困夜程炬火將迎肴核錯留賓彌見
主人情

贈臞仙昆弟

清芬夢亭後兄弟自相師掃軌安家食循陔倚母慈溫醇彭澤酒
眞樸道州詩老屋寒梅樹天心歲宴知

方氏宗祠

鷄睢卜築誦先芬衣德祠堂有紹聞五百年來成茂族芸香比戶
稼連雲

方村

煙茗無寮溷肆門百家耕讀古風存南中鄉治萌芽始端合題爲

模範村

晉寧懷古

二千年上事天女尙名城巾幗能忠主氈裘敢弄兵
膾魚金線貴嘗稻玉匙盈行野觀風物陰霾喜放晴

游盤龍萬松諸勝卽住萬松寺樓

快晴紅上日三竿野色迎眸出郭看一鏡海澄孤鶴渺
萬松山暗老龍蟠人經塵劫償清約佛認鄉親結古歡
幽絕寺樓安榻處茶香鐘韻小盤桓

方童子懷民見紫芝一本采以相贈

曩游石竇得靈芝作圖未暇曾題詩萬松山中古松下
今得此本

非夷思風塵瀕洞昏南北天放閒身寧易得皈心白業不名禪駐
顏紅玉難爲色深谷療飢昔避秦與人家國老邊巡留侯何似方
童子欲問商山四老人

大慧禪師殿

讓宅此龍宮龍吟夜和松教能通顯秘偈不逞機鋒鼓記鹽人獻
碑留末帝封無湏問遺蛻眞面卽蓮峯

雷祖殿

高踞此山勝超寥眼界開觀心原水月在手亦風雷返照紅穿樹
層陰碧沁苔雙茶鄰院矗猶說祖師栽

山中雜詩

咀誦初停院字清篆香猶裊殿燈明微風入樹蕭蕭響夜枕聽來
誤雨聲

松翠山房覓已無山樵蹤跡亦荒蕪良宵惜少人吹笛雲淨天空
月滿除

山中文字撫殘遺山志披尋得導師便與名山共持世髯翁父子
係人思

隨遇盤飧味有餘也傾米汁飭伊蒲各行其是勤其事一笑斷斷
釋道儒

滇池環住三開士詩說蒼公書介庵弇有諸長尤跌宕擔公奇趣
耄軼天南

宋氏郊祁並卒官霜風淒緊鍛孤鸞無端話到君家事掩袂爭禁
老淚彈

一怒吳回燬梵天誰思鷺嶺卜牛眠中興佛法資人力莫忘檀林
再建年

儒生致用原經術漢吏服官多故鄉百里親民多歲月雅知君慕

古循良

知縣事哀丕
鏞來山枉顧

久晴而雨雨而晴金線魚爭闖洞行就地因時乘利便呂師端是

得魚情

趙岐山家牛戀鄉近
金線洞所談如此

伏虎降龍技若何齋廚贏得歲供齋如來種子吾鄉盛猶說師家

板洞河

宛然靈境似曹谿大慧聲名大鑑齊斷碣摩挲明帝勅遺民知灑
幾行啼

拄杖難言濟勝具矮牋聊寫打乖吟雪泥留爪鴻飛去付與他年
好事尋

張溟洲太守祠

八尺昂藏蒼海客一官終始白雲司按行草野無冤獄際會國家
全盛時留惠粉榆重樂社懷歸松菊負陶詩榮枯共盡儀型在爲
語珂鄉俊彥知

錦川里李鶴峰先生故宅

鶴歸猶故墅懷古一經過大雅持麾節沉冤陷爵羅詩看四傳著

才信一門多有女班曹亞清芬亦未磨

牛戀堡觀金線洞買舟

風意善冷然鳴筏過錦川來探金線洞便喚木蘭船數苦知漁利
慈航覬佛緣老鑒能不媿膾玉日登筵

登舟返昆明呈臞仙

遵海半環周粗償百里游何人主東道此水自西流望遠遲聞鴈
忘機久狎鷗低篷談促膝溫意滿衾裯

歸寓廬東臞仙允三小泉

飛出醯雞瓮披襟闊海天舟車來往蹟詩酒酌斟緣世隘寧輕合
吾衰故少眠耦耕將數子下選欲求田

原书缺页

原书缺页

苦惱人

西郭門前酒肆多英雄兒女一楊娥國仇未報身先死有志其如無命何

梳妝莫問舊時臺安阜園荒花不開誰見陳圓圓葬處蓮花池上久徘徊

華亭寺改雲栖寺說是盧雲大法師僧俗古墳多掘去常聞鬼哭夜深時

電燈公司石龍堤果然萬燈光不夜今年雨少水力微却讓煤燈長高價

煙草公司眞賺錢南洋兄弟此開先打漁人家小兒女都吃公司

紙捲煙

大姑娘嫁莽公子小姑娘嫁俏書生不須莽俏苦分別各有因緣各有情

海底金鐘作龍吼願郎船過慌忙走儂來便與郎壓驚玉纖親捧葡萄酒

金汁河連銀汁河嫁郎願嫁金銀多金銀一旦化爲水覆水難收儂奈何

近華浦堆假山頭更穿一池水不流西山滇海莫人看大觀樓變小觀樓

阿儂家住滇池西東向煙波望眼迷飛去碧雞終不返林惟聽

子規啼

滇池南畔儂家住北望陞山迤邐長煙雨空濛山海際畫圖那得倩擔當

儂家近住白馬廟耶家遠隔碧雞關願耶守儂泛草海不願賺錢走茶山

六月十九觀音會燒香都赴觀音山小輪船翻佛不救二百人留一百還

海東返照浮水椿海西紅射玻璃窗東船西船齊打鼓驚散鴛鴦飛不雙

一樣撈魚金線洞昆明魚瘦晉寧肥與耶撐個小船去牛戀鄉中

飽吃歸

雅俗能教共賞難
竹枝詞祇雅人看
阿儂喝慣滇池水
但唱滇池打草竿

晉寧游歸五日矣山水風物猶在夢寐間復成七律一篇束

臞仙

天女孤城保聚完
畫封百里未爲寬
犁鉏故是推淳俗
冠蓋寧徒詫顯官
仙鶴高飛空悵望
神龍懶起自潛盤
萬松山翠滇池碧
游客披襟快一觀

侍月邨師應臞仙招遊盤龍山宿萬松寺得詩三首

昆明華世堯 允三